

تاریخ هجری ۱۳۳۱

نومرو ۴

تاریخ رومی ۱۳۲۹

مد

اعتماد لری

۴ رجب

۲۷ مایس

پازار ایرتنی کونلری نشر اولنور اسبوعی اسلام جریده سیدر .

تألیف آثار

ایده قدیم بر زمانک یادکاری اولدقلمری
حاله کوره نکه تبعیت نتیجه سی ، دوشونجه سزلك
انری اولارق الیوم تدریس ایتکده بولندیغمز
کتابلرک اکثریسی - تأمین استفاده مقصدیله
دکل - صرف اخفای مال و ابراز کمال عزیمله
تألیف اولنمش اثرلردر .

بولنر ، بعضی معصا مراقیلر نظر نده بلکه
بر اثر صنعت اولوق اوزره تاقی اوله رقی تقدیر
کوره بیلیرسده انسانیت علملرینک آن بآن ترقی
وتکامل یولنده بر سرعت برقیه ایله قطع مراحل
ایله دیکی وبالخاصه اطرافز ، آنات عمرینک بر
ثانیه سی فوت ایتکده قیامیان متیظ اقوام ایله
محاط بولندیغی شوزمانده او قونور ، و او قوتولور
شیلردن اولمادیغی آرقی تحقیق ایتشد .

آنحقی یا غموردن قاجارکن طولویه طوتولوق
خصوصنده کی ملکه خساریمز حسیله او کتابلری
رحله تدریسدن قالدیروبده یرلرینه - ترقیات
حاضریه موافق ، فواندی محرب بر طرز نویسنده
تألیف اولنمش - دیگر آثار مفیده اقامه ایده بیلیمک
مسأله سی - بزم کی اصول تألیف وتعلیم حقنده
اعمال فکر ایتهمش ملئر ایچون - اولدقجه مهم
بر کیفیت اولدیغی جهته بنده کز ، بو خصوصده
یکی باشند ایشه باشلامقدن ایسه اوروپا آثار
ترقیاتندن استفاده ایلمکی ترجیح ایتکده اولدیغی
بولندن اولکی بر مقاله ناجیزانه مده بیان ایله مشدم .
چونکه کرک اساتذمهز ، کرک معاصر لریمزدن
اولوق اوزره هنوز عصر حاضره موافق بر اثر
میدانه قویمادقدن باشقه اکثریسی - لسان عربیه
داثر ده بر فکر مجمل بیله ایدینه مش طابله قارشى -

علومک تصنیفی ، والفاظک حکمت وضعی بیان
ایله بدأ ایدره رک اجازت ویره چکی کونه قدر
(کیم دیدی ؟ ، نه دیدی ؟ نه شکل دیدی ؟ نه
اولدیغی اولدیغی حالده ؟) کی قانده سز تعبیات
ایله امرار حیات ایدره چک درجه ده آثار عمی
ابراز ایدن فضایل زماندن اولیه مهم خدمتلر
بکله یه مکه معذورم .

بوکون اوتوز ، قرق یاشلریمزده اولدیغمز
حاله بنده کز ورفقای افکارم ایچون صورت
تحریر و ترتیبیه بر جوق فائدملر تأمین ایدن اوروپا
آثارینی اهل ایتیمه رک - زمانک کندیلمرندن پک
مهم خدمات بکله دیکی - کنجلیغی او اقوام
مترقیه نک واصل اولدیغی تکاملدن حصه مند ایله کی
آرزو ایتک بر خطامیدر ؟

بنده کز کندی حسابمه اولارق سوله یه یم که
بش اون سندن بری ایام عمرمدن احتیلاص وقت
ایده رک چالیشدیغ انکلیز لسانه داثر کرک بوراده
تدارک ایلدی بکم کرک لوندردن جلب ایتدی کم
کتابلردن حاصل اولان استفاده - بزم اصولده
یکرمی ، یکرمی بش سنه صرف ایدره رک قازاندیغ -
معلومات عربیه دن پکده آرز دکلد .

بر کرکه دوشونولسون ، کندی کندیغمز تجربه سز
بر حالده تألیف آثاره باشلا یه رقی (اولدی ایدی ،
اولاجقدی) دی یه سنلر کچرو ب شیمدی یه قدر
بر جوق خصوصاً تمزده کورولدیکی وجهله اوروپا
علملرندن کیری ، دائماً کیری بر حالده یاشامقدن
ایسه اونلرک بوکونه قدر ترقی ایتدی ردیکی اصولی
آلارق تطبیقه باشلامق واونلر ایله دائماً آت
باشی برابر کیتیمک دهها موافق ، دهها مدبرانه
دکلیدر ؟

علمی ایفاظ ایچون : « الحکمة ضالة المؤمن ..

احمد شیرانی افندی حضر تالینه

نام عاجزی به کوندریان مدرسه رساله سنی
متشکرانه و متشوقانه اوقو دم . همتکز مشکور
اولسون . عصر لردن بری رطوبتی قبلر آلتنده
قالین و کوفلی دیوار لر آراسنده (تحسبهم ایقاظاً
و هم رفود) تجلیسنه مظهر اولان مدارس مندرسه بی
محشر عرفان حاله که تیرمک ایچین صور اسرافیل
وظیفه سنی در عهده ایدن قلمکز شایان تبریکدر .
انشاء الله :

يانائماً عن نومك فانتبه

ندای ایقاظنی ، خرخره غفلتله استیناس
ایله مش اولان قولاق لره ایشدیرر وظلمت لایقیدی
ایله قاپانوب قالمش بولونان کوزلری آچاپه موفقی
اولورسکز .

وماذلك على الله بعزير

عزیرم !

شوصیرالرده - تعیریم معذور کورولسون -
مزارطاشلامق قیلندن اولمق اوزه مدرس علیمنه
برطاقم یازیلر یازلدی . بو پرده براندازانه سسلره
قارشیده اورا ساکنلر ندن دهرین وحزین صدارله
مقابله ایدلدی . ایشه عقلی ایرنلرده ، ایرمینلرده
سوزه قاریشجه حصوله کلن غمغمه تقولات ایچنده
حق و حقیقتک فریادی ایشیدنلر اولدی .

بناءً علیه اول امرده شومعنا سز کورولتولرک
بوغمایه چالیشدین صدای حقیقتی دیکله مک ،
صوکراده اونک شکوای محنتی اولبای امورک
صماخ تغافلنه اسماع ایله مک لازم .

عبد عاجز بواساس اوزرینه بعض مطالعاتده
بولونا جقم سوزلرمی موافق حقیقت کورورسه کز
قبول ایدرسکز ، یا کلش بولدیغکز تقدیرده
بالطبع رد ایلرسکز .

..... « بویوران بریغمبر ذیشانک اعلام امتی
ایچنده اوقدر سقیم بر فکره ، - ملت اسلامیه بی
عالمک مادونی بولمغه سوق ایدمک بر ملاحظه به
طرفدار کیمسه لکده بولمجه قه - طوغری سنی
سویله یه یم می؟ - حالا اینانمق ایسته یورم ! .. »

فخر کائنات علیه الصلاة والسلام افندمنک
حدیثی یاخود مضمونی اولمق اوزره روایت اولونان
اوکلمات مبارکه بزم ایچون بر میزان حرکت اولور
اوروپا آناری ایچنده - ولوکه تمامی ، تمامنه
اولمایه رق تقریبی بر صورتده اولسون - اصول
تعلیم و تدریس مسئله سنده بزی تنویر ایدمک
مؤلفاتک صور ترتیب و تحریریه سنی تطبیق ایتمکده
آریجه شرقدن غربه بر مقابله با مثلده موجوددر .

قارئین کرامه قارشى شوراسنی ده عرض ایتمک
لزوم کورورم که سوزلرمدن (بووظائفی بنده کز
یاخود هم افکارم در عهده و ایفا ایدم بیلیرز)
دیمک کی بر معنا چیقارماسین ؛ جناب حقه حمد
و ثنالرا اولسون بز شیمدی به قدر عجزیمزی اوکره -
نهرک کندیمزده کی نواقصک اکائی چارملریف
آرامقدن باشقه برشی دوشونمورز ، بزم بوبابده
مرآت افکاریمز اولسه ، اولسه شاعرمک :

لك الخير هل للشرق نقطة ناهض

فقد طال نوم القوم بين دياره

الم تر ان الغرب اصلت سيفه

عليهم وهم لاهون تحت غمراره

طرزنده کی اخطار بلیغی اوله بیلیر .

ع . عاطف

